



Les mitans dla „Jungschar“ de secunda y terza mesana é dër bel inviades a na incuntada por organisé l'aziun di „Trëi Resc 2012“. Se abinun en mertesc ai 08 de novëmber 2011 dales 18.00 tl local “Kerygma”.

**Avis Raiun Sozio Sanitar:** En mertesc, ai 08 de novëmber dales 15.00 éle tla sènta dl Raiun Sozio – Sanitar a Picolin la proscima incuntada por porsones che ciara de jënt atempada y/o amarada. Informaziuns ciafèise al numer 0474/524513. Düc é dër bel invià.

\* \* \* \* \*

**Ai 29.11.2011 va la Uniun Patrones Badia** in gita al Chiemsee: vijita al Ciastel de Herrenchiemsee y vijita al marcé da Nadè sön la Fraueninsel. Düc y dütes è dër bel invià y präibel prenotesse pro Gabi (339/6009096) cina ai 18.11.2011.

**MARTINSZUG**



**FESTA de SAN MARTIN:** Düc é dër invià ala festa de S.Martin cun i mituns/mitans dla scolina en vëndres, ai 11 de novëmber 2011 dales 17.00 dan scolina da S.Linert.



**Vangele dla Dumènia che vëgn:**

**Do San Matì 25, 14–30**


Te chël tēmp ti à Gejù cuntè a sù discepui chësta parabola:  
 Cun le règn dl cil éra sciöche cun n'ël che é jü a fà n' iade: Al à cherdè sù sorvidus y ti à afidè so avèi. A un ti àl dè cin' talènc, a n' ater dui, indò a n' ater un, a vignun do sùes facoltès. Spo s'un é jü.  
 Do cotan de tēmp é le patrun gnü derevers y orò fà cunt cun sù sorvidus. Dailò é gnü chël, che à ciafè i cin' talènc, n' à portè cinch laprò y à dit: Signur, cin' talènc m'aste surandè; ciara, i n' à davagné ciamò cinch laprò. So patrun ti à dit: Brau, bun sorvidù fedel! T'es stè n' bun aministradù tl püch, i ô te surandè deplü. Vi, tol pert ala ligrèza de to patrun!



**Usc dla Cüra BADIA**

Tel./Fax 0471 839571 E-Mail: [parrocchiabadia@libero.it](mailto:parrocchiabadia@libero.it)

|        |                           |
|--------|---------------------------|
| Nr. 50 | Edema: 06.11.– 13.11.2011 |
|--------|---------------------------|



\*\*\*\*\*

**06 DE NOVEMBER**

**FESTA DE**

**SAN LINERT**

**PATROZINIO DE**

**BADIA**

\*\*\*\*\*

# FUNZIUNS SACRES

06.11. XXXII DUMËNIA dl ANN / A -

## **Festa de S.Linert**

07.11. Lünesc

19.30 por fam. Agnese y Lorenzo Tasser

†ti Paul, Afra y Rosina Declara y †to Giovanni

†ta Gerda Schulze Irsara

08.11. Mertesc - **degüna S. Mëssa.**

09.11. Mercui - *Mëssa cun i scolar.*

08.00 †to Enrico Dapunt - aniversar y †ti de Cianacëi

†ti Nane Nagler

por les animes dl purgatorio

10..11.Jöbia - **degüna S. Mëssa.**

11.11. Vëndres - San Martin

07.25 †to Konrad Dapoz

†to Valeria Valentin

†ti Angelo,Oliva y Albino Alfarei

12.11. Sabeda - **degüna S. Mëssa a S. Linert**

**16.00 S. Mëssa a Oies**

13.11. XXXIII. DUMËNIA dl ANN / A - Domënia dla Caritas

**10.00** Mëssa por la Comunità (oferta por la Caritas)

15,00 Ora de adoraziun

**18.00** Mëssa por. fam Teresa Pescoll en rengraziamënt

†ta Rosina Obojes - anivers. y †ti Irsara La Crusc

†ta Clara Pescoller



## **ORAR dles MËSSES dla DOMËNIA:**

**a OIES - la SABEDA: dales 16.00**

**a S.LINERT - la DOMËNIA: dales 10.00  
dales 18.00**

# Dala VITA dla CÛRA



En sabeda, ai 19.11.2011 dales 15.00 te calonia a San Ciascian, vëgnel indò tignì la preparaziun al bato cun Frenademetz Erich. I geniturs interescià é perià da se anuzé te calonia da San Ciascian al nr. tel. 0471- /849474.

**Referat:** Referat por ladin de Siur Sepl Granruaz sön le "*Psalm 74/75: Gängige Behauptung: Es gibt keine Sünde mehr! Stimmt das?*" en mertesc, ai 08.11.2011 dales 20.00 te scola elementara a Badia. Düc é dër bel invià, incé i jogn dl grup dla bibia dal ann passè.

\* \* \* \* \*

En dumënia dles Misciuns, ai 23.10.2011 éle gnü trat ite dal'oferta 1.386,21 Euro. Dër giulan y Dî se l'paies.



**CONZERT Sacral** dla Orchestra y dl Ensemble Vocal dla Val Badia en sabeda, ai 12.11.2011 dales 20.00 te dljia de Badia organisé da Badiamusica.

Le cunsëi de Cûra da La Ila mët a jì trëi dis de curs de formaziun de-diché al'oraziun "**Imparè da perié**" dai 18 ai 20 de novëmer 2011: vëndres dales 15 ales 18, sabeda dales 9 ales 18 y dumënia dales 9 ales 16. Le curs vëgn tignì da Don Giuseppe dla Comunità Abba. In-fos y iscriziuns pro Sandra al 348/7821170 o sandra [irsara@libero.it](mailto:irsara@libero.it).

\* \* \* \* \*

En dumënia, ai 13 de novëmer dales 15.00 vëgnël prejentè te Salf dles Uniuns a La Val te na cornisc musicala la publicaziun nöia sura Siur Heinrich Videsott "**Don Enrico Videsott – Vita e testimonian-ze**" Al vëgn mostrè fotografies y le film dla sopoltüra. Düc é dër bel invià.



L'ADVËNT é bel daimprò y al é da punsè al "**Rorate**". Raprejentanc dles Uniuns y Grups, che arjigna ca la Mëssa de Rorate, é invià da gnì te calonia por fà fora la data dejiderada, y insciö incé i cors o grups che é pronti da ciantè y sonè dal Rorate.